



OSTERØY INDUSTRILAG

v / Industrikonsulenten på Osterøy
5282 Lonevåg

Telefon 56 19 22 70

Mobil 416 28 531

e-post lars.mjos@osteroyindustrilag.no
www.osteroyindustrilag.no

Til Osterøy kommunene
post@osteroy.kommune.no

Osterøy 13.5.2015

Høringsuttale til: OSTERØY 2030. PLANPROGRAM FOR KOMMUNEPLANEN SIN SAMFUNNSDEL HØYRINGSUTGÅVE

Styret i Osterøy Industrilag meiner at planprogrammet er godt, men me har nokre innspel når det gjeld informasjon, haldningar og fokus. Dette byggjer m.a. på sitat frå planframlegget som er gitt att under. Og me går rett på:

Osterøy vidaregåande skule skil seg ut med svært lågt fråfall. Spørsmålet bør da heller vere korleis me kan vidareføre dette gode resultatet?

Planframlegget ber preg av at det «stadig vert færre arbeidsplassar i industrien». I 2010 gjekk Borge Garveri AS med ca 80 arbeidsplassar konkurs. Etter dette syner statistikken som er teke med i planframlegget, at det er ein oppgang. I plassen for å ha vinklinga «Historisk er Osterøy ein industrikommune» bør vinklinga vere; Korleis kan me styrkje Osterøy sitt særpreg som industrikommune?

I planframlegget kan det sjå ut som om det er ein motsetnad mellom «industri» og «kompetansearbeidsplassar». Mange av industribedriftene på Osterøy er i fremste rekkje både nasjonalt og internasjonalt og det er ei sterk utvikling av kompetansearbeidsplassar i industrien, ikkje minst knytt til automatisering og robotisering.

Vinklinga må også vere: Korleis styrkje industrien og andre næringar ytterlegare med kompetansearbeidsplassar?

Og når det gjeld styrking av kompetansearbeidsplassar, samarbeider Osterøyindustrien med m.a. Hordaland fylkeskommune og Høgskolen i Bergen om det nasjonale Kompetansesenteret for CNC og robot ved Osterøy vidaregåande skule. Dette bør nemnast og spørsmålet bør vere: Korleis styrkje Osterøy ytterlegare som leiande kompetansemiljø innan CNC og robot?

Vegstandarden, mobildekninga og breibandtilbodet på Osterøy er svært mange plassar dårleg. Dette er omtalt i planen. Spørsmålet bør vere meir konkret: Korleis betre vegstandard, mobildekning og breibandtilbod på Osterøy?

Manglande tilgang på næringsareal bremsar i dag utviklinga i Osterøy kommune. Det at me ligg gunstig til nær Bergen og gunstig til i høve transportaksen aust-vest, må også nemnast. Det er fleire gode tiltak på gang, men eit spørsmål knytt til arealstrategi må

vere: Korleis utvikle gode næringsareal for både eksisterande næringsliv og for verksemder som kan ha nytte av nærleiken til Bergen og transportaksen aust-vest?

Nokre aktuelle sitat frå planframlegget som merknadene over er knytte til:

4.5. Kunnskap og kompetanseutvikling

Korleis skal Osterøysamfunnet bidra til at fleire ungdommar fullfører vidaregåande skule og korleis skal me arbeide for at fleire ostringar tek høgskule og universitetsutdanning?

4.6. Arealstrategi; bustad, infrastruktur, natur, næring og servicetilbod

PLANTEMA – AREALSTRATEGI: BUSTAD, INFRASTRUKTUR, NATUR, NÆRING OG SERVICETILBOD

I planen må det vurderast:

- *Kva er ein berekraftig arealbruk på Osterøy og korleis skal me oppnå dette?*
- *Kva samfunnsstruktur ynskjer vi i Osterøy?*
- *Korleis vil me sikre at arealbruken er med på å fremje god folkehelse?*
- *Kva er gode infrastrukturløysingar?*
- *Korleis kan me samarbeide om gode infrastrukturløysingar både når det gjeld fysisk infrastruktur og elektronisk kommunikasjon?*

4.7. Arbeid og næringsliv

Historisk er Osterøy ein industrikommune med ein stor andel av sysselsettinga innan industrien.

Dei siste åra har andelen sysselsette i industrien gått markert attende.

Me ser at det stadig vert færre arbeidsplassar i industrien. Framleis er det vekst i byggebransjen som gjev arbeid til mange på Osterøy. Men det er forventa at auken i arbeidsplassar framover kjem innan kompetansearbeidsplassar. Det er difor viktig at ein i samfunnsplanen tek stilling til korleis ein vil leggje tilrette for nye kompetansearbeidsplassar på Osterøy.

Med venleg helsing Osterøy Industrilag



Lars Magne Bysheim, formann



Lars Mjøs, sekretær